

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГУДИ ТИНТБИРНИЛА ШАЙЧИБСИ ГАЗЕТА

№ 10 (111) октябрь 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / шавваль 1429 г. Багъа 15 къуруш.

ИСЛАМЛИЧИ КЪАРШИСИ ДЯВИ ЯРА ГЯХИТИГЪУНТАЧИ ГЯЯР

Гябдулла Гялишаев гъаниркахъули



Хяжимурад РАЖАБОВ,
«Фикр» биклуси информацияла-аналитикала
центрла хянчизар

Бусурманти дуббурцуси дурхъаси рамазан базла киибил бархи сабри. Дурхъаси базла цаибти бурхназиб илгуна бетарар или чисалра гъанхлебирки. Амма лебилра бусурманти кахбиахъубси хилла дураберкиб—лебилра Россиялизив машгурси журналист, «ТВ-Чиркей» телекомпанияла бек редактор Гябдулла Гялишаев кавшиб.

Ил жанивардешла хилла кабикиб Мяхячкъала шагъарлизибси Сепаратортала поселоклизиб. Абзур бархи дубуци калунси Гябдулла бархехъла дехлибала дарес замана биухтели, дубатес хъули чарулхъуси илала машиналичи хяярхуби чексур. Бусурмантани илала бекла халаси пашмандешличил къабулбариб.

Чини сабри ил хилла дураберкибси? Дурхъаси базлизиб адамтас гяхидеш барес, илдала ургаб Аллагъла дин тинтбарес узуси адамличинякъ ахъбуцахъес чили пурбанбарива?

Гябдулла Гялишаев дебали духуси, багъудичевси, интеллигентный адам сайри. Илани дирути передачабала темаби Исламличил уржили дархдасунтири. Сегуна передача хядурбирули виаллира, ил сунени бирусилчи халати дигиличил гъамирусире.

Дирхаираягу, телевидениелизибад бируси цалра передачали хербикутала ва лехирхутала уркиби дитлакес хлебарар, эгер авторли илизи сунела рухила бутла кахлебихъули виалли. Гябдуллалара иличил барх «ТВ-Чиркей» компаниялизиб бузуталара уркиби Кьудратла Веги Аллагъличи дигили дицибти сарри. Илди адамтачи динна шала баахъес къуллукъличи кабизурлири, ва илдала передачаби адамтас дебали дигахъути детаурлири.

Гябдулла Гялишаев бахливаливалетбасалравигахъи. Илани дахъал документальный фильмаби хядурдариб ва адамтази чедаахъиб. Ил адамти паргъатагарбиахъес, жалани демжахъес узули хейри, иличи урглебли, илала передачабани адамтас имцаливан разидеш бири бихуси. >>7

Сайидмухаммад-хияжи гъаниркахъуси Бархи

Августла 21 – Дагъиста муфтий Сайидмухаммад-хияжи хиллакардешличил кавшибси бархи саби. Мяхячкъалализибси КIарахъала театрлизиб ил пергер адам гъаниркахънилис багъишлабарибси балбуц дураберкиб. Муфтий кавшибхлейчирад вецал дус диркнилис багъишлабарибси ил балбуцличи республикала жамигъатла бахъал вакилти цалабикиб.



Музабухъунтала ургаб машгурти динна гялимти, гилмула вакилти, политикуни, жамигъатла хяракатчиби, муфтийла гъалмагъуни, илала гъамти ва илала хурматбирути бахъал цархилти адамти лебри. >>3

ГЯХИТИ АДАБТИ

Адабул Марзийят

Гъазикъумукълан
ЖАМАЛУДДИН-АПАНДИ

(5, 6, 7, 8 номертазибсила ахир)

Накъшубандила тарикъатла келра гъунилизибад киибил гъуни нафью исбатла гъуни саби.

Жазбат къабулбарес хядурсилис Аллагъ ибси исмула зикру бедлуга. Сулуки къабулбарес хядурсилис нафью исбатла «Ла илагъа иллаллагъла» зикру бедлуга, уркиличибли бируси. Их зикру бируси тяхярра ишгуна саби:

Лезми къакла чеди бархбалсахъу, глур гьигъра ташаили, «Ла» ибси калима бехибирхъу чиличлала убкадли бекла мехеличи абаайчи... «илагъила» гъамзара

бехибирхъубекла мехелизибад балуй хъуцарличи сабаайчи... «иллаллагъла» гъамзара бехибирхъу балуй хъуцарлизибад, саби биттрайку михъирла байлабад уркилизи сабаайчи... «Аллагъ» ибси лафсра цакъличил уркилизи бирхъу, сунела буцардешличибли лебил къаркъайзи асар биесли.

Сунела мягънара пикрибиру ишкъайда: селра мурад агара Аллагъла зат ахенси, нафьюла калима ибхели, Аллагъла зат кабилзахъу, сунечи херра вилзан, сари панали дьнила херличивли. Исбатла калима ибхели, Аллагъла зат кабилзахъу ва сунечи херра вилзан сай мурталра кавули виъниличивли. Ахирлизиб «Мухаммадун расулулагъ» илира иру балуй шайзибад уркилизи. >>6

Номерлизир:

2 ШАГЪАДА

АЛЛАГЪ ЦА
ВИЪНИ
МАРБИРНИ



3 ИЛ ГЪАННА 85 ДУС
ВИРУСИРИ...

ДАГЪИСТА
ЛИТЕРАТУРАЛА
ЛЕГЕНДА - РАСУЛ
ХИЯМЗАТОВ




4 ИДБАГЛИЧИЛА
БАЯНТИ

АХИРАТ
ГЪАНБИРКАХЪЕС



5 ГЯРАБУНАЛА
КУЛЬТУРА БЯРКЪУРСИ

УСИШАН ДАВУД
(1665-1757)



ШАГЪАДА

Асхлябгяли МУРЗАЕВ

Ашкарли къяйдали,
Ислам шел хулчиличиб
тлшбизурси саби ва
илдазибад цаибил шагъада,
цархилван буралли,
бикъридеш дарни саби—
«Ашгъаду алла илагъа илла
лагъ ва ашгъаду анна
Мухламмада Ррасулулагъ»
Сен илкъяйда саби? Дебали
къантлели белгибарилли саби
или гъанбикесли саби.
Чумал дев дура ва Исламла
хулчназибад ца таманбарилли
беклбиуб! Суал алкјули
саби: сен дехлибала, закат,
дуббуцар, хляж хледиубли,
шагъада цаибил бетаурси?
Сенкјун шагъада—исламлизилли
айцјуси умхъу саби. Аллагъла
динна лебилпра мягна илизилли
саби.

Ашгъаду— нуни бикъридеш дирулра дила лезмиличил, дила хлулбачил, дила някъбачил, дила къяшмачил, дила урклиличил, дила гъякълуличил, дила лебилпра къаркъайчил, дила пикрумачил.

Алла илагъа — сунес сужда барниличили лайикъси цархил чилра агара или.

Илла лагъ — Къудратла Веги Аллагъ ахленси, суненира иш дунъя,

Аллагъ ца виъни марбирни



зубри ва лерилпра илдазир лерти, цархилван буралли, берхли, бац, зубарти ва заклизирти лерилпра секли аклахъубси; ванзара иличиб лебти адамтира, мицирагра, галгубира, урхънира ва илдазир лерти лерилпра жананира; дубуртира, ванзализирти секлалра, ил ванзала жагадешра ва, ахирра, галактикара адамла гъякълу аклахъубси, амма ил бузнила лебилпра чебяхлеш аргъес хлебириси.

Аллагъ — Мицирси, Мурталра левси, Цаси, Сунела балликъянаби агарси сай. Илгъунти глур биубити ахлен, агара я вирус ахлен. Ил Даимси сай. Илис бехлибхъудра ахирра лебси ахлен. Хъархлерагарси, Се-дигара барес вирус, Къудратла Веги, Лерилпра далуси, Лерилпра чедиуси, Лерилпра иргъуси, Гяхисира вайсира дарес вирус, Гъайиклес вирус сай.

Ва ашгъаду — ва нуни гъачам гъатлира бикъридеш дирулра.

Анна Мухламмада — гъарли марли Мухламмада, сай багъандан иш дунъя

ва иличирти гъар секлал, зубри ва илдазирти лерилпра секлал аклахъубси. Ил Аллагълис дигахъуси. Ил аклубхлейчида дигахъуси. Хлядислизилли бурили саби муснира зубрира аклахъес гъалар Мухламад идбагла — нур (шала) аклахъубтири или. Цархил хлядислизилли бурули саби Аллагъличи лехлхейзурси Адам идбагли — хатла барибхлели, Къудратла Вегили ил алжайзида ванзализилли гечварибсири или. Адам идбаг — хлябдарш дус висули ва хъяма виркјули калунсири, сунени барибси хатлаличи пашманиубли ва тавбудирули. Мухламмад идбаг — багъандан Аллагълизилли Адамли сунечивад чеверхахъес тиладибарибхлели, Къудратла Вегили хъарбаибсири: «Хјуни Мухламад — чинавад валуси, илклун нуни гъачамлис аклахъубли ахленрагу?» Адам идбагли — жаваб бедибсири: «Хјуни ну аклахъубхлели ва набзи рухл кадихъибхлели, нуни бекл ахъбуцира ва гляршла тлурачиб белкл чебаира: «Ла илагъа илла лагъ, Мухламад расу-

луглагъ». Хјуни хлела ула мякъла хјуни аклахъубтазидад бегларе дигусила ахленси ухлелукади». Илхлели Аллагъли иб: « Хју вархъси сайри, Адам. Гъарли-марли, ил нуни аклахъубтазидад наб бегларе дигуси сай ва ну хлечивад Мухламад идбаг — багъандан чевурхулра. Ил багъандан ахленси нуни хју ахлелклахъири».

Ррасулулагъ — Аллагъли Вархъибси — лебилпра идбагунала мугъур, адатгачи ва жунжрачи ванзализилли бархъибтазидад бегларе гяххиси. Ил вархъибси сай Ислам тинтлбарахъес, илдигъунти хъарбаркјуначил бархъибтири цархилли идбагунира. Аллагъла динкјун ца саби лебси—Ислам ва ил марбируси саби Къуръаннизилли иш аятли (мягна): «Гъарли-марли, Аллагъла дин—Ислам саби». Илала лебилпра умматлис ил гилрат саби. Ил сай сунечилли Дурхъаси Къуръан бархъибси.

Мухламад идбаг — сунела гъайлизилли ва баркјуддумазилли мурталра вархъси вирусире. Илличилли лебилпра бирхутири ва илис Амин («Бирхуадибихъибси») биклутире.

Аллагъли нуша сунела марти лугърилли детаахъаба. Мухламад идбаг — шапагъятли виестили детаес къадарбиаб нушаб! Амин.

САГАТИ ХАБУРТИ

Башкирияла муфтйла
заместитель:

«Хизб-ут-Тахрир» биклуси террористунала организацияла асарлиу биркути адаттазибад имцятигъунти жагилти саби».

Башкирияла мижитуназилли ислам-



ла гилмуртала радикальнй кабизуни тинтлдирахъес къадагъабарилли саби. Илдигъунти бяхлибизуназибад саби Россияла мер-мусаличиб бузахъес хлбалтуси «Хизб-ут Тахрир» биклуси халкъани-ургабси террористунала организацияла идеология. Илчилла багъахъур Башкирияла бусурмантала Духовное управлениела муфтйла цаибил заместитель Аюп Бибарсовли.

Бибарсовли бурни хясибли, Россиялизилли къадагъабарибси террористунала «Хизб-ут Тахрир» биклуси организацияличи къаршилли дяви бузахъес пачалихъли гягниси саби, динна управлениела ахленну. «Нуша дахъхиличирад

дузахъули лерти динна бяхлибизуни РФ-ла законодательствола дазурбала духнар гъаладяхл дашахъес дузулра, -- буриб А. Бибарсовли. — Гядатлибиубси бусурмантала идеологияла бухнабуц иргъахъулра, динна улчилли бархбаси бузиси такъсирчибала идеология бухнахлебикахъес хасдарибти далдуцуну дурадуркјулра».

Бурес гягнибиркур, 1990 ибти дусмала ахирличиб Башкириялизилли исламлизилли вагъабитунала бяхлибизили бекл ахъбурцес бехлибхъибсири, амма ил бяхлибиз мерла шуртлрачи балхлебикиб ва тинтлхлебиуб, балахъули сай А. Бибарсовли. 2000 ибил дусла бехлибхъудличибад Башкириялизилли «Хизб-ут Тахрирла» идеология тинтлбирескабиб.

Кабардино-Балкарияла президентли хляжбарес зияратли аркютани дирути харжанала ца бутла сунечилли чекайсу

Кабардино-Балкарияла Президент Арсен Каноковли иш дусла ноябрьличиб хляж барес зияратли аркјути республикала адаттани самолетличиб арцурли букъес багъандан дирути харжани сунечилли чекайсу, багъахъур КБР-ла бусурмантала Духовное управлениела председатель Анас Психачевли.

Илди харжани гъарил адатличи халдарибхлели гъал азир кјурушличилли кадилзули сари. Гъаланачити баянти хлясибли республикализилли ишдус хляжли букъеспикрибарибти 300-цададам лебли саби. Президентли сунела шайзи-

рад дирути харжанира халдарибхлели, илдас зиярат дураберклини 60 азир кјурушличилли кабилзан.

Ишдус Кабардино-Балкариялизилли бадти хляжликъянаби Минеральные Водылизилли Амманнизилли урцар, Иорданияла ил шагъарлизилли хляжликъянаби гяхлти автобусуначилли



Мадинализилли бикайчи арку. А. Психачевли балахъни хлясибли, хляжбарес букъес дигутала документуни къабулдирни октябрьла 20-личилли таманбириси саби.

Арбякјунси дуслизилли Кабардино-Балкариялизилли хляжбарес 267 бусурман бякјунтири

США-лизилли президент Дж. Бушлис ва вице-премьер Ричард Чейнис танбихлбарес, ил луглизилли кабушеслира биакъубли, хлерибурули саби

США-ла президент Дж. Буш ва вице-премьер Ричард Чейни бухнаес ва илдас

кабушесли хлукму барес бирнила шайчибси суал хлерибурули саби Массачусет штатлизилли правола шайчибси школализилли дураберклибси конференцияличилли.

«Улкала бургани дергъ абикъурлицун ахленну, илдани адатгачи халати гуж-зулму дирлисира гъуни абхъиб», -- багъахъур ил форум ибхъули гъайухъунси правола шайчибси Массачусетла школа-ла декан Лоуренс Вевелли. Илличилли дурибти гъай хлясибли, «нушала гямурузилли илдани гъанна клинайс Ираклизилли хлилла дурабурукјули саби, илгъуна биубсири гъалаб Вьетнамлизилли. Нушала лидерти Линдон Джонсонничиллибад, Генри Киссинджерличиллибад бехлибхъили, Джордж Бушличи ва Ричард Чейниличилли бикайчи цалинлра гъачамлис законна гъалар чучи хъардикрети жавакардеш духили ахлен», -- багъахъур Вевелли.

Илличилли илкъяйдали багъахъур пачалихъла бургани, Ираклизилли къяйдали, Вьетнамлизилли чули пикридарибти сабабти хулчилидуцили дявти адикъуртири. Гъанна биалли илдаци даршутти халкъличилли дирути гуж-зулмура хлиллуртираимцятида хъублисаби. Илдани лайикъти жавакардеш дихес гягнитисари, челякълализиллира илдигъунти вайти анцлбукјуни тикрархледирахъес багъандан.

Илгъуна форум Нюрнбергла судла замана США-ла шайзидад вакилли сайси США-ла верховный судла член Роберт Джексон гъаниркахъниличилли бархбасахъи дураберклибсири. Итхлелира фашист Германияла такъсирчибас члумаси танбихл барибсири.

ХЯЖ

Сахаватдеш –
алжайзиб
сунес
мер лебсила
лишан саби

ГЯЛИМАА ХІУРМАТИС

1 « Илдани балахъулри хабар-дерхурси муфтий Дагъиста халкъли вецлал дуслла гьегъира хъумартурли хлебиъни.

Ил адамтала уркібазив ва дагъри-лизив сай.

Мубаракла гъайличил цалабикиб-тала гъалав Дагъиста муфтий Гялхаммад-хіяжи Гябдуллаева шайзивад гъайухъун муфтийла цаибил заместитель Магъди-хіяжи Мутаилов.

Гур гъайухъунси ДР-ла Правительствозилибси дина-нала къуллукъуназиб бузуси комитетла председател Гялхаммад Мяхяммадовли буриб: «Сайидмухаммад-хіяжи Абубакаровли гялимити ва бусурмантала жамигъат цаби-ахъес халаси гъаза бариб, пачалихъла органтагъа динна организациябалара ургаб уржибси бархбас кабибахъур. Ишбархли нушани пахруличил бурес дирехле илала гямру ва баркъуди нушала чеабиуси наслу-лисла гьибратли кавлан или. Ил нушани хъумхертехле. Нуша илини дурибтаци гъаларра къабулти дирутири ва гъаннала гьегъира илала насихъитунни хъисибли хертдирехле. Динна гялимитанира цауркьли илгъуна пикри гьибурцули саби».

Гур цалис гьегъи цали Мяхячкъала шагъарла администрацияла бекла заместитель Гябдурхъиман Хусейнов, Ингушетияла муфтийла заместитель Гябдулмажид Дудаев, Дагъиста теологияла институтла ректор Макъсуд Садикув, Сайидмухаммад-хіяжила гямруличила буруси «Имамтала букъур» биклуси жузла автор Шамил

Сайидмухаммад-хіяжи гъаниркахъуси Бархи

Гайтемиров ва цархилти гъайбухъун.

Илдазивад гъарилли Сайид-мухаммад-хіяжи гъаниркахъули, или-чила дахъал ванати пикруми дуриб. Ил чули валули къайда гъанушиб.

Ил балбуц дураберклес гъалаб Сайидмухаммад-хіяжи Абубакаровла уличилси фондли Дурхъаси Къуръан бархъли бучнила шайчибси конкурсра дураберклибсири. Балбуцличир ил абз бетерхнила итогунира каиб.



Гъайбухъунтани дахъал гъахти пикруми дирутири, муфтий Сайидмухаммад-хіяжи къайдали, хиллакартани ламу-сагарли кавшибси Курамухаммад-хіяжи Рамазановличилара.

Дагъистайзир ва цахнарли Россия-лизир динна хъулчиличир къалмакъ-ар адикъес аварали биркъути пуж-бирнилизини, вагъабизмала идеология тинтихъебирахънилизини Сайидмухаммад-хіяжи Абубакаровли кабихъибси халаси пайлици пикри бяхъичиусири гъайбухъунти лебтанилара.

Рурсала ургар абзла резултатуни ишдигъунти сарри:

1. мер—Патимат Рамазанова (Мяхячкъала шагъар),
 2. мер—Марьям Гябдуллаева (Мяхячкъала),
 3. мер—Марьям Хіяжимяхя-ммадова (Мяхячкъала).
- Гулухъаби ургаб:
1. мер—Хасмухаммад Будунов (Мяхячкъала),
 2. мер—Мяхяммад Мяхя-ммадгъалиев (Унцукулла ши),
 3. мер—Мяхяммад Жабра-гиллов (Чярадала районна Ириб-ла ши).

Цаибил мер буцибтас компью-терти дедиб. Киибил мерлици лай-икъбикибтас телевизорти пешкешда-риб. Хіябъибил мер буцибтас музы-кала центрти дедиб. Гурра ца савгъат бедиб устадешличил декларухъунси Гиса Мяхяммадовлисла.

«Дылим» биклуси группали белчлунси мавлидра цалабикибтас гъахъизур. Ахирличиб тавбала балга-ра бариб.

Республикала беклибиубси мижит-лизирра ил Бархиличил дархдасахъи мавлидра зикрура дариб.

САГАТИ ХАБУРТИ

Исламла дин бузахъути Комбоджала студенткабас хиджаб бихахъес ихтияр бедили саби

Исламла дин бузахъути Комбоджала студенткаби белчлудила сагаси дусли-зиб школабазир детурхути занятиябачи хиджабличил башес бирар. «Гядатли диубли дурхъинани школализи цуба хлевнира хъанца шалбуртира дихули биалли, кхмерти-бусурмантани бусур-мантас гядатли диубти палтар дихес бирар.

«Нушанидинна шайчиртибучлантала пикрумала гъарра шайчибад хурмат бирулра», – багъахъур спортла ва жагъилтала министерствола вакилли.

Премьер-министр Хун Сенни клел баз гъалаб чесибири бусур-мантас белчлудила заведениебазини хиджабличил башахъес пурбанба-рес. Комбоджализиб белчлудила дус октябрьличибад бехъибрхъуси саби. Гъанна бусурманти школабазини хид-жабличил башес бирар. Гъанналичи бикайси бусурмантанира белчлудила заведениебазини илар къабуддариб-ти журала палтар дихутири: хлевара шалбарра. Итхели цацабехъи бусурман рурсбани ил багъандан белчлуди бархъ-балтусири.

БРИТАНИЯ: шаригъятла закон суданазиб ункъли чебаиб



Шаригъятла закон Великобританияла суданазиб ункъли чебаили саби ва гъанналаубал бузахъес бехъибхъили саби. Камси гъалабан Британияла «Санди таймс» газетали илгъуна багъахъни кабахъиб. Цалабахъибси пачалихъла правительствозили дахъал гъабизуни хъедихъубли, судла член-тала къуллукъунала дазурби белгида-риб. Ил закон чебетули саби магъар белхъниличини, финансунала шайчирти жалани ирзниличи, бусурман адамта-ла беклахъудила шайчир алкьлути къал-макъар гъунчидуршниличини.

Бусурмантала арбитражла коллегия-лизив узуси ва Великобританиялизирти бусурмантала шаригъятла судана-ла бузериличини хъеруди бузахъуси Фаиз ал-Актаб Сиддикъли балахъни хъисибли, илдигъунти суданазир гъан-налаурал хъалибаргунни делхъниличил ва унрубала ургарти къалмакъарла хъекълизирти 100-цад хъукму дураси-ли сари. Шаригъятла суданала даража арбитражла ва третейский суданала даражаличил цугси саби, илгъуна судли жаллизи кадизурти клелра шалила мура-дуни гьертурцули сари ва илдас къабуд-диркути хъукмурти дурайсали сари.

ИЛ ГЪАННА 85 ДУС ВИРУСИРИ...

Муслимат РАЖАБОВА, журналист

Дагъиста литературала легенда – Расул Хіямзатов

Нушазибад бахъли балули бургар ишдуслла сентябрьличив аклубхъейчирад 85 дус диркуси машгъурси адам чи сайрил. Илдицад дусми дерклес ил валкъхъеур, амма Дубуртар улкала историзилизиб ва халкъла гямрулизиб мягъничебси мер буцес ва сунечи хастини къел гелар датес бажардикиб. Ил чевяхъисини Расул Хіямзатов сайри.

Иличила делкьунти секлал чумал тонна кагъарлайзи кадарцес асубирар. Амма илди дугъби сегъунти сарил! Иличила ва илала творчестволичила пахрула дугъби сари илди. Расуллис сунес гапбикьули хъейгахъи. Илди мурталра бахъал лебли биаллира. Илини сабри нушала Дубуртар улка лебилра дунъялис машгъурбарибси. Дирхаираягу, ил барес гъарил деклар бажардихъеркур. Чянкьли чевяхъисини адамлис имканси саби ил барес. Сунела Ватан багъандан гъунар барибси адамлицун вирар ил барес. Дунъяла дахъал улкназиб Пушкинра Л.Толстойрацун ахъенну балути, Расул Хіямзатовра ункъли валули саби. Илала назмурти уркличир руркъули сари ва саркъахъили ахъли дучули сари. Чумилрадехъи мезлици шурдатурли сари илала произведениеби.

Илала гямрула гъунира творчествовора специалистунани чедетаахъили дяркъурли сари. Литератортира критикунира илала творчествовора чебад гурра бахълибузарва жалбиклар. Амма ишаб наб бурес дигусини илала творчестволичила ахъен. Расул машгъурсини поэтцун ахъенрину, ил пергер



бусурман адамра сайри. Ил сунела рухъла мурхъедешлизив мурталра Къудратла Вегъличил вирусирини. Сунени хъедарили уркалахъунти секлайчи ил дебали къахъаикьусири. Ил дин урклилизиб бихути адамтазивад сайри. Аллагъла шайзирад сунечи ряхъму-уркьелци дирниличира хъуликьусири. Шалати пикрумала адам сайри.

Ил багъандан Расул мурталра нушачил варх кавлан!

ИДБАГЛИЧИЛА ۞ БАЯНТИ

Мухаммад ДАВУДОВ,
ДР-ла муфтийла заместитель

Бисмиллагъи ррахъимани ррахъим Мааз ибну Джабал виклули сай: «Нуни ишбархъи Идбаглизи ۞ ира: «Расулаллагъ, хъуни набзи аргъахъагу ишди гъайла мягъна – **Дядлизи уфъируси бархъи хъуша ляркъядая къукънадли.**

Идбаг ۞ висикайиб, хъулбазирад чяхъидухъунти нургъбани сунела палтар шинкладизли. Гур иб: «Мааз, хъуни набзи халаси анцъбукичлила хъарбаири. Дила уммат абурцу вецъну кира журала хъйаичиб:

Цазси тайпа чула хъабразибад абурцу къашми-някъби агарли, цали тмадиру Аллагъла шайзирад: ишди саби чула унрубас вайдеш бирули буибти. Их саби чул жазъа, ишди аркъуси мерра жагъаннаб саби. Сенахъенну Аллагъ виклули сай (мягъна): «Нушани инсайчи хъарбарра сунела мякълавси, унраличивси адамлис гъяхъидеш бирахъес»;

Кизсил тайпа чула хъабразибад цурала суратличил ахъбурцу, Аллагъла шайзирад тмадиру: «Ишди саби дехъиба шайчиб азгъиндеш дирули буибти, ишди аркъуси мерра жагъаннаб саби, сенкун дехъибала хъедирутас танбихъи бируси саби»;

Хъабъэсил тайпа чула хъабразибад абилзахъу кумби дубуртицад даахъили, чичълумара гъякърабтара дицъахъили, умхъачи мешутили. Аллагъла мякъларад цали тмадиру: «Ишди саби закат хъелугули калунти, ишдасра жазъа саби ихъуна, саби аркъуси мерра жагъаннаб саби».

Авъэсил тайпа саби хъабразибад мухълубазирад хъи чяхъидиклули абурцутала. Аллагъла шайчирад цали тмадиру: «Ишди саби чули вачар-чакарлизиб къяна-шилтахъ барибти, ишди аркъуси мерра жагъаннаб саби, сенкун Аллагъла уличил чули дарибти хъямала ахиратлизиб гъяхъидеш хъебирар я саби бунагъуназибад умхъебирар»;

Шуэсил тайпа саби хъабразибад бемдурли абурцутала, илдала дерхъибти хамхъира дебали гъядиклули дирар. Аллагъла шулгирад цали тмадиру: «Ишди саби чула бунагъуни дигъянадирули калунти, адамтазибад урухълули, Аллагълизибад урухълекули буибти, ил багъандан тавбухъедарили бекъибти. Ишди аркъуси мерра жагъаннаб саби»;

Урегъсил тайпа саби хъабразибад чула хъубири сурсанира чердахъили абурцути. Аллагъла шулгирад цали тмадиру: «Ишди саби къянала бикъридеш дирути. Ишди аркъуси мерра жагъаннаб саби. Аллагъкун илдази махиклулиси къянала бикъридеш хъедирахъес».

Верхъэсил тайпа чула хъабразибад лезмуни агарли абилзутала саби, илдала мухълубазирад шахара хъира чяхъидиклули дирар. Аллагъла шулгирад цали тмадиру: «Ишди саби хъяжатикибси мерличир бикъридеш дарес музахъебухъунти. Аллагъликун бикъридеш дигъянамайридая или

Ахират гъанбиркахъес

хъарбарибсири. Ишдасра жазъа бирар, саби бурхъуси мерра жагъаннаб саби».

Гехъибил тайпа абурцу хъабразибад бургира гъяшдуцахъили, илхъелира бурги къашмачир гъяшли диэсли. Аллагъла шулгирад цали тмадиру: «Ишди саби зинакарти, тавбухъедарили бекъибти. Их саби чул жазъа, бурхъуси мерра жагъаннаб саби. Аллагъликун илди махбарибтири зинализибад гъарахъли буахъес».

Урчъемъибил тайпа саби хъабразибад дяхъи цударли, хъулби



Ас-Салям фото

хъанцъли, кумби цали дицили абурцутала. Аллагъла шулгирад илдасра цали иру: «Ишди саби ятим дурхънала мас беркунти. Зулмурта биркъули сари илдани чула кумби цали дицъахъибти. Ил барибти Сагир биклули жагъаннаблизи кабурхути саби».

Вецъибил тайпа саби хъабразибад

къявгала изай (проказа) буцили абилзутала. Илди саби чула неш-дудешлици лехълейхъули калунти. Илдала мерра жагъаннаблизиб бирар. Аллагъликун хъарбарибсири бегътас гъяхъидешуни дирахъес.

Вецъну цара ибил тайпа саби чула хъабразибад уркъиби, хъулби сукъурли, чула цулбира багъала мукекилици мешути, чула кунтлуги михъиртачи кадаибти, лезмуни биалли кумбачира къашмачиракадиутиважаргадешунази гъелабили абилзутала. Илди саби держ дужахъесра, палбуршахъесра, шайтунтала гъямултазибадра гъарахъли буахъес махбарибтири. Илдира жагъаннаблизи бархъили бирар.

Вецъну кира ибил тайпа ил хъабразибад чула дяхъи вецъну шурала бацлаван ухули абилзутала. Илди сиратла гумиличибад къукъу-лямцъван кункли шалгъебулхъан. Аллагъла шайчибад илдас цали иру: «Ишди саби гъяхъити баркъудлумицун дурадурклули калунти, ишди саби бунагъуназибад умути, Аллагъ чуни разиварибти ва Ил чучи разивуибти. Чучи черти шудехъелра дехъибала заманаличир дирули калунти муъминти. Ишди алжанализиб бирар».

Дила динна узби ва рузби!

Хъушаб игъбарбиаб вецъну кира ибил тайпализирадти дирахъес. Аллагъ икъалавиаб хъушаб икди вецъну царалра тайпализирад дерцахъес. Амин!

Бисмиллагъи ррахъимани ррахъим

Бусурмантала ца хабарлизиб ишкъяйда бурули саби. Лагъла рухъ айсухъели малакул мавтлизи (бекъилала мала-иклизи) вати цигъици хъелбатахъес. Рухъ михъирлици адаибхъели гуррара тмадиру, вати цигъици или, сурсличи адаибхъели, гуррара тмадиру. Вати саял биркунтани биркунти гъяхъил кален дарахъес, ца хъуй итил хъули гъяхъил кален биру, сунезира иру, ассаламу гъялайка къя-малла бархъи сабаайчи ихътяярли лихъибанира, някъба-нира, къашманира. Рухъли чархра гъяхъили кален биру.

Аллагъли дерцахъаба иманли лезми гъяхъили калес бир-нилизбад Аллагъ вагънили уркъира гъяхъили кален барни-лизирад. Илала някъбира къашмира кавлан вяхъидиклули, хъулбира чебиъни агарли, лихъибара бикъни агарли, чархра рухъ агарли, рахъли уркъи калалли Аллагъ вагъни агарли, сенсен биэс вара хъяблаб лагъла анцъбукъ?

Сунени чехъейу чилра, я неш, я дудеш, я дурхъни, я юлдашунни. Я квантиси ухъа агарли. Марлирагу, дурхъаси Аллагъ чехъеалли, ил адам дебали талихъагарли вирар. Ил багъандан, ахъерти динна узби ва рузби, гъар адамли къайгъибарес гъягънибиркур ахиратлизиб талихъагарли кахъелес багъандан иш дунъялици дебали кахъяхъили, Аллагъла шайзибад разидеш сархес.

Аллагъли лебтасалра кумек бараб, сай разивирахъуси тяхъярли хъердирахъес.

Амин я Аллагъ.

ХЪЯМ

Гъяхъидеш
барахъес цархъил
вяхъичаибсилисра
ил гъяхъидеш
барибсилисгъуна
кери биуси саби

СУАЛТИ ВА ЖАБАБТИ

Газета бучлантала суалтас жавабти лугули сай Дагъиста исламла университетла преподаватель **Мяхъяммад Гъязимовли**

– Муруйзирад декларикибси хъунул адамлис ва шеро хъе-рякъунси рурсилис цаибил яр-галис хъяжли букъес асубиару?

– Хъунул адамлис шеро сарил яра декларикибси сарил хъерхъеили, хъяж барес асубируси саби, чъанкли вархъ мяхърам (гъамси тухум, сунес-ра шаригъят хъясибли шеро рукъес асухъебируси) левлицун. Илгъуна мяхърам агарли виалли, илгъуна хъунул адамлис цаибил хъяж дураберкес асубируси саби хъунул адамтала къу-къяличил бархъун. Суненицун яра цархъилти мурул адамтачил илис хъяж барес асубируси ахъен. Хъятта ил цаибил хъяж биаллира.



– Хъубеш нешлици неш или дугъайзни бунагълав?

– Юх, ил бунагъ ахъен.

– Гъез цудардирес асубиру-сив?

– Гъез цудара рангли рурхъахъес къадакъабарибси саби. Абу Давудли ва Нисаини баахъибси хъядислизиб бури-ли саби: «Халкъли гъез цудара рангли рурхъу Ахират гъамбиклухъели ва илдан-и алжанала тмаалра хъергъу».

Муруй пурбанбирули виалли, ва ил бируси ил багъандан биалли, гъез дер-хъес асубиар.

«Хазрамия»

– Алжанализи сегъунти адамти бурхъути?

– Иш дунъялизибад Аллагълици бирхули аркъякунти, илала идбагъуна-ни бури хъясибли хъербирули калунти. Къуръанни ва суннали, динна авалра мазгъабла имамтани бурни хъясибли хъербирули калунти.

ГЯРАБУНАЛА КУЛЬТУРА БЯРКЪУРСИ



Мяхлямадрасул Гямаров,
Дагъиста бусурмантала
идарала пресс-секретарь.
mr-omarov@mail.ru

Усишан Давуд (1665-1757)

Усишала шилизб-си мадраса XVI-XVIII ибти даршдусмазиб гилмула мягничерти гинзурбазибад цали бирусири ва лебилра Дагъистайзибад илаб бучлес цалабиркутири. Гяраб мезла гилмурти дяркъес Усиша башутири ахъушантира, къупакунтра, цархилти даргала шимала адаптира. Машгурти адапти бузули калунтири ил мадрасализиб. Ил багъандан сабри итхели илала хабар тинтибиубсира. Ил мадраса таманбаритас цархилти мер-мусаличирти мадраса-базир дурсри кадирхъахъес пурбанбирусири. Нушачи чучила баянти даибти машгурти катибунили ва мударисунили бирутири Мухаммад бин Мухи, Гябдуряхман ва цархилти.

Динна хлекълизирти багъудлуми тинтидирнилизиб бузути адапти даршдусмазиб лебси шилизб лебилра жамигятра Исламла тяхяркъяйдаличил ункъли тянишсири. Илав 1665 ибил дуслизив аклубсири Дагъиста гярабла мезла культурала чевяхъси гялим Давудра. XVI-XVIII ибти даршдусмала гялимтазивад ил беглара пагъмукартазивад цализи халирусири.

Давудла дудеш—Гяли бин Мухаммад, мискин дукикъяна сайри. Ил мискинни хлерирусири. Ил багъандан лебилра дус узули вирусии. Давуд виштлели левалли учлес дигниличил декларулхъусири. Илис учлесра гъамадли сабри, бугаси гякълула вегл дурхля виъни багъандан.

Галаначи ил мерличибти гялимтачив учлусири. Халаваибхлели ил учлес хъуралли Ахъуша вашусири. Къиянти гяму сарлихъалли, ил гилмулизи мурхъикес бажардиикиб. Гялхти багъудлуми касибси ил гурра гъалавяхъи вашахъес къасличил дудешли Къудутлила шилизивси Мусалавлечи вархъиб. Ил кларахъазив урибси гялим сайри. Мусалавлис беглара дигути бучантазивад цали ветаурсири бугаси гякълуличил декларулхъусири Давуд. Камсизаманала гьегъи Мусалавли ил багъуди кайси даимбарахъес Египетлизи вархъиб. Дагъиста дубуртазив аклубси дурхля гярабунази гяраб мез руркъяхъес бажардииркусири. Ил багъудлумачил декларулхъули виъни

Даргала округла Усишала ши Даргазирцун ахленну, цахнабли Дагъистайзирра Ислам тинтибихъес ва дебабихъес, шаригятла тяхяр къяйда кадизахъес дебали дахъал секлал дарниличил машгурси ши саби. Ил жавхлейчибад гъаладяхъи ардякъунти гилмула центртазибад цализи халбирусири. Шилизб дахъал делчлунти гялимтачил барх гяраб мезли делчлунти жузи жагати хатличил черкалуклуги бахъал катибунира бирутири. Ислам тинтибирантала беклидиубти баркъудлумазибад ца сабри жузи черкалуклини ва тинтидирни.



илабра жявли хясибариб. Востоклизиб илис Давуд ад-Дагъистани биклугири. Ил Сириялизи гечиуб. Гъайгъай, илар илала багъудлуми гъаттира мурхъти детаур. Ил Исламла диннизив къяйдали, дурусти гилмуртазивра гъалавяхъи вашусири. Илини Дагъистайзи чарулхъулели юриспруденцияла, логикала, философияла ва цархилти гилмуртала шайчирти гялхъад жузира хибтири. Дагъистайзиб илала я сай веглси хъалибарг лебси ахленри. Я сунела сай веглси юрт лебси ахленри. Сунела лебсигъуна давла илини жузи тлаабдарес харжбарибсири. Итхлели илала лебгел давлачебси библиотекала лебри.

Давудли цархилтазира гилмурти руркъяхъусири. Гъала-гъала ил Ахъушав узули калун. Пур усишантани илис алавбиубли юрт тлашбатур ва чула шилизи арукиб. Илала юрт мижитла мякълаб бирусири. Мижитлизи ил вархъли сунела юртлизивад ацлес вирусии. Илинира бикъри-деш дирули сари шила адатани гялимла халаси хлурмат

бирули калнилис. Шилизб багъудичебти адапти лебниличи итхлели халкъли халаси пахру бирусири.

Дуб-дубли Давуд лебилра Дагъистайзив машгурси гялим ветаур. Юриспруденциялизив иличи аркуси чилра левси ахленри итхлели. Ал-Каратила шилизвивадси Татилав биклуси гялимличи луклуги кагуртазир илини цацадехъи суалтала хлекълизир дурасибти хлукмуртачи гялимти тамашабирули саби. Илдигъунти белклани баяндирули калунсири Урадала шилизвивадси итхлелила гялим Ибрагъимра. Шафигъила мазгъаблизив гъалавяхъи арякъунси Давудли мерла адатала гямурилизир кадиркути анцбукъунасна бархъси къимат бедлугуири. Илала пикриличи къабулхлержуки вирусии ахленри. Иличи лехихъутири халати такъсирти дарибти адатас суд бирухлелира, хълкидеш дарибси жавабличичи витликълелира, хъалицлала масълуги гъунчидуршухлелира. Лебдеш васиятбирнила, букъурдеш буртнелила шай-

чибра иличи сабри дугъабилзути. Чеблалу бикибти адапти булан иличи дугъабилзутири, чула къуллукъуни гъунчидушахъес. Адапти хлярибирхъулелира, закат буртлукълелира алклуги суалтира илини сарри гъунчидуршуги. Илдигъунти суалти ирзни-

Дуб-дубли Давуд лебилра Дагъистайзив машгурси гялим ветаур. Юриспруденциялизив иличи аркуси чилра левси ахленри итхлели. Ал-Каратила шилизвивадси Татилав биклуси гялимличи луклуги кагуртазир илини цацадехъи суалтала хлекълизир дурасибти хлукмуртачи гялимти тамашабирули саби.

ла шайчир илини дурайсути хлукмурти Востокла улкназир булан ункъли чедиутири. Гъаннара хабар бурули бирар, илини налогуни дучес даклилра биклуги къажурти шила дубларти хлябрази букили, илдази виклули ули сай, ишди хлябразибтира хлушагъунти сабри-налогуни дучес баклибти. Налогунира илдазира дучахъес масли-

ХЯМАС

Сириличирад
дехъидихъили,
хлябла гъала
детаайчи
багъудлуми
даргес умцленая.

гялбарибсири. Давудли дубурлантира чябхъинти дурахледуркляхъес махбирутири, бусурмантала мер-мусаличи гъара барес дашес асухлебирар или бирусири. Ил жамигятличи дугъаилзусири хлябри умули дихляхъес, илди луцрачил ва хлярубачил алавдирахъес.

Нушачи даили сари илини делчлунти ишдигъунти гилмула шайчирти хлянчурби: «Хаваша ал-Усишагли Шархит-Тафзани», «Шарх ала Кари», «Таркиб миат амил» ва цархилти. Дагъиста гялимтас итхлелира философиялизиб бузес дигахъусири. Усишан Давуд хаслира мурхъти багъудлумачил декларулхъусири логикала шайчив. Илини гяраб мезли белклунси «Хашия Нуман» биклуси жуз бихлусири. Ил Нуманни гяраб мезличи шурбатурси жявхлелла Грецияла философ Порфирийла логикала шайчивси гилмула хлянчи сабри.

Усишан Давудли илкъяйдали баянбариб персияла машгурси философ Нажмудин Казвинила «Ар-Рисала аш-шамсия фи каваид ал-мантика» биклуси трактата.

Давудличи мурталра устаз или дугъабилзутири. Илини сунела хъа бухнаб пукъа барибсири вадин бузахъулели илав цунулхъусири (халватлизив).

Илала пагъмуртачила халкълизир гъаннара дахъал тамашалахабуртидурулисари. Илала Дагъиста машгурти

гялимтачил уржибти бархбасуни дирутири. Хляжатдеш аклубти анцбукъуназиб илдачил пикри цалабирхъусири. Илгъуна сайри Дагъиста асилти уршбазивад цали калунси Усишан Давуд.

Дагъиста чеабиуси наслу илдигъунти адатала гьибратуначи хъарихъули бяркълечи биркахъес чебиркур.

ИСЛАМЛИЧИ КЪАРШИ СИ ДЯВИ ЯРА ГЯХИТИГЪУНТАЧИ ГЯЯР

5 « Ил чила-биалра хъарбаркунни тамандирули узуси хейри, илини передачабас темаби сунени чердиркунтири ва илдази урки кабирхъусири.
«ТВ-Чиркей» телестудиялизир

Гябдулла Гялишаев гъаниркахъули

Адамла
гякълу гяйла
бугадешлизиб
багъарбулхъуси
саби



имам Нурмухаммад-хяжи Хяжимя-хямадов ва цархилти.

Исламла душмантазир ишбархли дахъал арц, дахъал ярагъ лер, амма илдазир бусурмантазир лерти Исламличи диги агара. Лебилра аданти цабиублихъалли, Аллагълиси хейгуси барес бирути ахен, ил багъандан бургар илди Аллагъла душманти бусурмантачира Исламличира илцадра жанивардешличил чебулхъути. Илдас сегъуналра анцбукълизиб бусурманти урухбарес имканхейбикур. Илдацибад я чедибикес хейбарар.

амма нуша Аллагъла гуйчирад дашахъес гъатлира уркичердирулра. Ислам тинтибирнила шайчиси бузери я дугили я херили тлашбилзули ахен. Бусурмантала къяяни къалабали имцадиклули сари ва илдас гъуни буцес вирус агара.

Амма бунагъунази илхунти ва хили дясунти цакъани лер, илдара Исламли бихуси шалализирад урухли сари. Мижитуназибад жумягла

Ге, бусурманти кабушес вирар, амма Ислам агарбарес хейрар. Иш дунъяличив танбихлизирад ухъес виубси итил дунъялизивалра жавабличи витхлекили кахлевлан, сенкун Аллагъла шайзибадси танбихлизирад чилра верцес вирус ахен.

илини хядурдирути ва чедиахъути видеофильмабачи адамти халаси иштяхличил хейрбикунтири, бахъли илди дисканачи черлукунтири ва чула хъулразир дихлунтири, хяздухъунхелли гурра хейрбикес багъандан. Илини папрус битикнила заралличила фильм касиб. СПИД-лизибад мяхкамдеш бирнилис багъишлабарисси видеофильма бахълис гяхлибизурсири. Вагъабийонтала адамтачи гымичебси идеология пужбирнилис багъишлабарисси видеофильмира аданта пикри сунечи битаклиб. Илис «Гядатла вагъабизма» биклусири.

Гябдуллани ва илала балликъянабани уршбира рурсбира декларли бучахънилис багъишлабарисси видеофильма хядурбариссири Ингушетиялизиб. Илар исламла дурсри кадирхъули сари школабазир ва уршбира рурсбира декларли бучахъули саби. Гябдуллас дебали дигусири Дагъистайзира цацадехл школабазибалра уршбира рурсбира декларли бучахъниличив шурбухъи ислам руркнилис хасдарибти дурсрачибалра. Иншааллагъ, илала къайгъни дугли кахелниличив дирхулра нуша.

«ТВ-Чиркей» телекомпанияли касибти «Дила Дагъистан» биклуси сериялизи кадурхути фильмаби чедаибси гъарилли иру Гябдулла Гялишаев Дагъиста асилси урши сай ва нушаб илдигъунти гъатлира бахъал биалри или. Гябдулла Гялишаевли динна темабас багъишладарибти назмуртира тулкнира луклесра бали. Илини делкунти далуйти жагаси тлама лебти бусурмантани мавлидуначир ва цархилти мажлисуначир халаси иштяхличил дучлунтири ва халкъли ункъли къабулдирутири. 39 дус сайри ил дунъяличив хейриубси, амма дахъал дарес бажардикиб. Адамла гямру илини дерклибти дусмачил ахенну, илини гямрулизир дурадерклибти баркъудлумачил сари умцуги.

Гябдулла Гялишаев дурхъаси рамазан базлизив шагъидла бекклили вебклиб.



Бахъли хъарбиули саби ил се багъандан кавшиба или. Илкун баркъудила адам ахенри, политик ахенри, чила-биалра къуллукъ буцес гъазализив ахенри, вилгуси ахенри, илини аданти кахейбуруши...

Илини жамигъятлис пайдацун сабри бихуси. Дебали даршуси ва малхямси адам сайри. Ил ургъи нушала дурхлини ва жагъилти наркоманти бетхлеахъес, жаниварти бетуртачи вацализи архлебашахъес, кеп-чеклизир гямру хедурклахъес даим махиклусири.

Гябдулла Аллагъличи аркъуси гуйчив шагъидван гямрулизивад арякъун. Ил Аллагълизи илгъуна къисмат бедахъес улгули урги, гъариллис къадарбириси ахен илгъуна беккла.

Исламла душманта сайри ил кавшибси. Чини вири, илдани ахенси, илгъуна убяхъси хилла дурабеклес?! Илдани нуша ургабад гяхитигъунти кабурушули саби. Илдани къасбарили саби бусурманти урехилизи бушес. Исламличила цархилтази гъайбиклунти ряхлимагарли къирбирули саби. Илкъяйда къирбарибтири Сайидмухаммад-хяжи Абубакаров, Курамуhammad-хяжи Рамазанов, Губданила мижитла

дехлибала дарили дурабулхъути азирти бусурманти чебиухлели, Аллагъла душмантани бикес мер балули ахен. Гъар бархли шимазир ва шагъуртазир сагати мижитунни ибхъниличила хабуртани илди вайси хяйзи биркахъули саби. Илди хаслира урухклули саби телевидениелизирад чедиахъути передачабазибад, сенкун илхелли чула урхити баркъудлуми пуждирули сари. Исламла газетаби ва журналти дурадулхъули ва аданти иштяхличил дучлули чедиухлели, илдачи изала абулхъули саби. Илдас хейгуси хаслира бусурмантани мажлисуни ва мавлидуни дурадурклули чедиухлели саби, бусурманти цабиъни чус урехила биъни илдани жявилл аргъили саби. Ил



Гъарил илгъуна хилла дурабеклиничил дарх бусурмантала ургарти уржибдеш имцадиклули сари, илди гъатлира цакаьбирули саби, ца алхунсила мер илала гуйчи кабирзурти вецлани цархилтани бурцули саби. Исламла душмантала къасани сеннира гъардилзули ахен. Гябдулла Гялишаевла баркъудира даимбарести айхур, илди гъаннара леб.

Гъарил илгъуна хиллалли нушала уркибачи вайси асар бирули саби,

багъандан сари хиллурти дигъанали дурадурклути. Хиджабличил къакъализи дурабулхъути жагъил хъунул аданти чебиухлелира гяхлибилзули ахен илдас.

Ге, бусурманти кабушес вирар, амма Ислам агарбарес хейрар. Иш дунъяличив танбихлизирад ухъес виубси итил дунъялизивалра жавабличи витхлекили кахлевлан, сенкун Аллагъла шайзибадси танбихлизирад чилра верцес вирус ахен.

